

1130

LES
AFFECTIONNEZ
SOVHAITS
DV PEUPLE DE PARIS,

Pour la conseruation & progrès
de leurs Majestez dans leurs
Voyages, & leur marche
en Bourgongne.

M. DC. L.

AFFECTIONNÉES

SOUS HAITS

DE PAVILLON DE PARIS

Pour la conservation & progrès
des lettres. Manuscrits dans leurs

Voyages & leur marche

DE L'AN



LES AFFECTIONNEZ

Souhaits du peuple de Paris,
pour la conseruation & pro-
grés de leurs Majestez, dans
leur Voyage & leur marche
en Bourgongne.

Allez ieune Louis, que tout vous soit prospere,
Allez en tout bon-heur avecque vostre Mere,
Car les Peuples pour vous ont tous les bras ouuerts,
Poursuiuez vos projects, Monarque Incomparable,
Vous de qui le beau nom va par tout l'Vniuers,
Redoutable aux meschans, & aux bons tres affable,




La Normandie desja Prouince tres-fameuse,
A vostre seul abord, s'en vint respectueuse,
Prosternée à vos pieds avec humilité,
Par des transports seruans, plains d'amour & de zelle,
Vous promettre & jurer vne fidelité
Qui seroit à iamais de durée eternelle.

Vostre Majesté va dans toute la Bourgogne,
 Paris avec regret souffre qu'elle s'eslogne,
 Car elle est sa beauté, son phare & son soleil,
 Mais il vous faut partir pour des biens necessaires
 Qui sont determinez par vn sage Conseil,
 Pour affin de pouruoir à toutes vos affaires.



Vous serez triomphant ô Monarque Inuincible,
 On vous verra regner dans vn regne paisible,
 Alors que vous aurez les broüillards dissipez,
 Le mauuais temps passé, nous aurons la bonnace,
 Et par vostre moyen nos maux seront coupeez
 Le Ciel versant sur vous sa faueur & sa grace.



On vous receura dedans toutes les Villes
 Avec des actions courtoises & ciuilles,
 Faisant à vostre abord milles applaudissemens
 Et acclamations d'une ioye populaire,
 Qui seront les tesmoins de leurs contentemens
 D auoir ce grand bon-heur qui n'est pas ordinaire.




Grand Roy, quoy que soyez dedans vn âge tendre
 Vous auez plus d'esprit qu'en auoit Alexandre,
 Car sont des fortes Loix les mots que proferez,
 Et vos discours diuins sont du tout infailibles,
 A tous vos bons Sujets le bien vous cauferez,
 Estant touché pour eux, par tendresses sensibles.


Bref,

RBC/NCU


Bref, vne saincte paix se verra establee;
 Et la France sera de grande ioye remplie
 Par vos peines & trauaux, & vos soins paternels,
 Voulant aux Villes aller vous mesme en personne,
 Affin d'y apporter vne reigle tres bonne,
 Et nous causer des biens qui seront eternels.



Le peuple de Paris soupire vostre absence,
 Et feroit au mourir, si n'estoit l'esperance
 Qu'il vous verra venir au bout de quelque mois,
 Et puis en vous voyant tout comblé d'allegresse,
 Crierà viue Louis, le plus puissant des Roys,
 Qui s'en vient pour calmer nostre grande tristesse.



Sire, vous vous verrez dans vn estat tranquille,
 Puis on verra Paris cette superbe Ville
 Florir plus que iamais dans les Sciences & les Arts:
 Car il est abundant en doctes & sçauans hommes,
 Et la France se peut vanter de toutes parts
 Qu'elle emporte cela sur les autres Royaumes.



Et vous pareillement grande Reyne Regente,
 Dont l'esprit tres prudent vous rend intelligente,
 Et qui allez partout avecque vostre fils,
 Car vous estes aussi sa sage conductrice
 Faisant de luy & nous les biens & les profits
 Et faites ce que doit vne mere & tutrice.

Puissiez vous reussir en toutes vos affaires,
 Puis que pour ce suiet nous faisons des prieres
 Pour vos prosperitez & conseruation,
 A fin que tout bon heur à vos desseins succede,
 Priant Dieu vous tenir en sa protection
 La Vierge Sainte aussi que pour vous intercede.



Allez donc, cher Lovis, que le Ciel vous conduise,
 Que Dieu soit avec vous, & qu'il vous fauorise
 En ce que vous auez sagement entrepris,
 Chacun va souhaitant que fassiez bon voyage,
 Et vous voir reuenir triomphant à Paris,
 Car vostre heureux retour nostre peine soulage.

F I N.

